

痘疹傳心錄卷之十四



西吳朱惠明

著

諸藥性口訣

人參益元陽而生津液黃耆補衛氣而實腠理所補
既有差殊其劑豈可等分補中益氣當以人參加重
為君實表護榮須讓黃耆倍用為妙甘草生分身稍
而瀉火炙健脾胃而和中當歸通血脈而補陰虛君
枳殼以潤燥堅白朮益脾治濕而生津液瀉痢水泡
者勿加茯苓養智滲濕而止渴毒不解而瀉者宜用
川芎引清陽而達表勿缺於痘漿未滿之先芍藥斂

陰氣以助陽每用於痘漿既充之後橘紅消痰而理
氣陳皮益胃而和中蟬蛻取輕清以疎肌竅木通散
鬱火以利膀胱紅花有養血活血之功生地有涼血
行血之効若痘乾紅便加紫草滑肌通竅毒壅堪行
惟實熱賴之爲有益倘虛寒誤用以便溘食停不化
宜用山查善逼瘡痛能消積聚行滯氣於補益方中
解鬱結於透肌湯內荆芥通血脈散諸邪而清頭目
連翹清客熱消氣聚而治血凝桔梗利咽喉而清氣
道能發散而善開提腹皮分清濁而利小便消痘毒
而去膨脹牡丹皮清血中之毒壯熱繁紅爲聖藥地

骨皮去骨蒸之熱毛焦皮燥是良材官桂祛風邪而
實腠理和榮衛以固肌表丁香治嘔逆而助元陽煖
腰膝而除冷痛木香運氣理脾虛泄瀉方中必用乾
葛療肌退胃熱渴煩湯內須加犀角黃連解蘊毒惟
熱盛則前後堪行麥門五味定心煩有渴症則始終
宜入天花粉消痰清胃有潤燥生津之功訶黎勒開
胃澁腸有收斂降火之効白芷疎風解利排膿而消
痘毒紫蘇流氣發散表邪而治風寒至羌活有運毒
走表之長防風有發散逐邪之妙薏苡利腸消渴開
胃進食如神枳殼平胸快膈下氣寬中最速開腠定

喘於麻黃壅遏憑之而發散平胃溫中於厚朴腹脹
用是以消磨山藥補虛損能消腫硬扁荳清暑氣而
治泄瀉粘米陳倉助漿益胃猪苓澤瀉分利陰陽淡
竹葉涼心火而退虛煩石膏瀉胃熱以消煩渴桑
皮去火邪而鑿喘嗽杏仁潤肺氣以治痰涎枸杞子
添精固髓壯筋骨以滋陰山茱萸溫肝補腎煖腰膝
而興陽栝榔破滯氣能治後重草菓消宿食以除脹
滿酸棗仁寧心益智史君子治疳殺蟲乾薑溫中氣
而止嘔逆是以胃虛而寒泄者宜用則用大黃蕩腸
胃而潤燥堅是以熱壅而便秘者當加則加鼠粘清

利咽喉透肌解毒升麻升發元陽堪散瘡瘍前胡解
肌安表蒼朮進食寬中止嗽開痰於貝母清便降火
於山梔黑附子回元氣而療虛寒成扶危救急之功
龍腦片涼心血而起黑陷有撥亂反正之力麝香通
竅於毫毛能治驚悸雄黃解毒於臟腑兼可消痰硃
砂鎮心定志而有養血活血之能珍珠透裡入堅而
解骨中髓中之毒牛膝益陰壯陽填骨髓而除腰膝
痠痛遠志助陽強志定心氣而增智慧安神杜仲能
益賢而添精破故療腰膝而止痛薄荷能清六陽之
煩熱利關節而治風涎天麻療風熱而除驚悸通血

脉以開肌竅神麴破癥結以逐痰麥芽化宿食而消
穀霍香治嘔逆而溫中肉果溫脾胃而止瀉人牙齒
善攻腎中之邪穿山甲能發經絡之毒知母滋陰補
腎散下焦之火邪燈心利竅通陰治小便之淋閉冠
血桑蟲俱和酒漿而發痘生薑大棗發表助胃以和
中玄參治痰熱而散無根之火烏藥消脹滿以順心
胸之氣車前子專入膀胱而利水道金銀花善療癰
疽誠爲要藥菊花能明目而清頭腦青皮利肝氣而
消痞結鼈甲消癩癖而治瘡母常山截溫瘧以吐痰
沫三稜散積聚而消滯氣蓬莪治瘀血以破癥痕黃

蕨瀉伏火而補腎陰不足黃芩治痰喘而瀉肺熱有
餘天門冬補肺而消痰鈍嗽白芫薤散冷而行滯溫
脾利竅除煩於滑石消痰降膈以南星石斛補虛羸
治胃中虛火香茹利小便消暑熱除煩瞿麥通小便
之隆閉射干治喉痺之痰涎龍膽草除伏火而消目
腫胡黃連療骨蒸而治疔癆消疔殺蟲無如蘆薈利
濕毆疸須用茵陳香附米能開鬱以寬中阿膠珠善
養肝而補血半夏止痰飲而開結氣砂仁消宿食理
氣燥脾謹撫述平和之要品以爲治病增減之良規

藥性主治

人參味甘氣溫氣味俱輕升也陽也入手足太陰滋
補元陽能除虛熱若補上焦元氣而清脾胃肺中之
火升麻爲引補下焦元氣而瀉少陰腎中之邪茯苓
爲使君黃耆能斂虛勞之盜汗臣天麥可補不足之
元神東垣曰人參黃耆甘草退虛火聖藥也大抵主
補五臟不足生津液止渴古云諸痛不可用參朮此
指暴病氣實者而言也

擇堅實明熟者佳去蘆可用

黃耆味甘氣微溫氣薄味厚可升可降陰中陽也入
手少陽手足太陰溫分肉而充皮膚肥腠理以司開

闔無汗則發有汗則斂排膿止痛長肉生肌內托之
聖藥也性畏防風得之其功愈大蓋相畏而相使也
東垣曰人參惟補元氣調中黃耆兼補衛氣而實表
也

擇直如箭幹柔軟類綿肉白皮微黃者佳用治
瘡家蜜炙補虛損酒炙治痘不起發如手足痘
不起以桂枝煎酒浸過炙用

甘草味甘氣平生寒炙溫可升可降陰中陽也入足
太陰少陰厥陰生分身稍而瀉火消毒炙健脾胃而
和中養血因其性緩能解諸毒故熱藥用之緩其熱

寒藥用之緩其寒中滿症恐甘能作脹勿用下焦藥
因性緩難達少加

當歸味甘辛氣溫氣味俱輕可升可降陽也入手少
陰足太陰厥陰經頭止血而不走身和血而中守尾
破血而下流同參耆能補血同牽黃能破血從桂附
則熱從硝黃則寒能使氣血各有所歸故名當歸性
潤滑下大便溏泄而痘脚塌者須忌

擇肥軟內白者去蘆酒洗晒乾行表洗片焙乾
有痰薑汁漬晒乾頭痛酒蒸晒乾痘血熱用尾
血虛用頭身

白朮味苦甘辛氣溫味厚氣薄可升可降陽中陰也
入心脾胃三焦除濕益燥緩脾生津補虛勞內傷健
脾胃進食益氣和中止瀉利便或問白朮既燥何以
能生津曰脾惡濕脾濕勝則氣不得施化津液何自
生也故曰膀胱津液之腑氣化出焉用白朮燥其濕
則氣得周流而津液亦隨氣化而生矣又問曰白朮
何能生膿曰白朮能閉氣氣閉則生膿也若痘乾枯
血熱者且須忌之

擇堅白者去皮止洩土炒痂不易脫桂湯浸晒
乾用調脾胃人乳潤之

茯苓味甘淡氣平屬金降也陽中陰也白者入膀胱
腎肺生津益氣止瀉利溼赤者入心脾小腸瀉利專
主茯神善補心氣安神定悸經曰茯苓能溼又謂
生膿義同白朮

川芎味辛氣溫氣厚味薄浮而升陽也手少陽本經
之藥又入肝命門佐升麻升提氣血上行頭目下行
血海通肝經血中之氣藥也散肝風開鬱行氣啟脇
痛除結消癰凡頭而痘不起發者用之表虛者勿入
蓋辛能發散也血熱者少用蓋辛能耗血也

芍藥味苦酸氣平微寒氣薄味厚可升可降陰中之

陽也入脾肺二經白者抑肝緩中固腠理而止瀉痢
除寒熱而治腹疼與白朮同用補脾與參耆同用益
氣血散不歸賴以飲之而附氣漿足不斂賴以收之
而成功赤者利小便去熱消癰經云冬月減芍藥以
避中寒也

赤者生用白者酒浸透切片晒乾炒用補陰酒
浸日晒用如痘痒塌四肢不起發者以桂煎酒
浸炒用

陳皮味辛苦氣溫氣薄味厚浮而升陽也導滯氣止
嘔治咳理脾胃消食和中君白朮益脾佐甘草補肺

去白者理肺氣而降痰涎也

擇陳久者佳去筋膜切晒止吐以東壁土炒用
蟬蛻味甘氣寒凡痘疹出不快或倒陷者用之表虛
者勿加

擇完者以溫酒洗淨用去目中翳膜去翅足用
止天弔怔忡用蟬花

木通味甘淡氣平味薄陽也陽中陰也瀉小腸火鬱
不散利膀胱水閉不行

擇小內微黃者去皮小便自利勿用痘後發癰
毒者用節酒浸透晒乾用

紅花味甘苦辛氣溫陰中之陽多用則破血少用則入心養血與當歸同功

宜酒浸晒乾入藥如痘不易出及黑陷者用子以酒浸晒炒研用

生地黃味苦甘氣寒氣薄味厚沉而降陰也入小腸心涼心火血熱瀉脾土濕熱熟地黃微溫入心肝命門腎大補血衰倍滋腎水

擇肥大生於懷慶皮有疙瘩者佳勿犯鐵器如上達或行表酒浸晒用有痰薑汁炒

紫草味苦氣寒利九竅而通水道痘疹不易出者用

之大便滑利者勿加

山查味甘酸氣溫平陰中之陽也化食積能消滯血
行結氣健脾發痘過用虛內

擇色紅肉厚者蒸熟去核晒乾用

荆芥味辛苦氣溫氣味俱薄浮而升陽也上行發表
能清頭目辟邪氣而通血脈破結聚而散瘡癩

擇花實成穗者去土用凡痘出發不快者用之

止血酒炒黑用

連翹味苦氣平微寒氣味俱薄可升可降陽也入手
少陰心手足少陽陽明瀉心經客熱降脾胃濕熱散

諸經血凝氣聚治癰腫癩毒瘡疽

去梗酒浸晒乾研細用

桔梗味辛苦氣微溫味厚氣輕陽中陰也入肺膽二
經治鼻塞咽喉腫痛逐肺熱止嗽下痰排膿養血開
提榮衛同甘草爲舟楫之劑

擇堅實肥白者去頭切片以米泔浸一宿晒乾
用

大腹皮味辛氣微溫下膈氣消浮腫

先以酒浸去濁仍以大豆汁洗之晒用

牡丹皮味辛苦氣寒陰中微陽入腎包絡散冷熱血

氣涼骨蒸止吐衄血熱痘瘡用爲涼血解毒也

擇肉厚者去心用

地骨皮味苦氣寒陰也入腎三焦去肌熱骨蒸治五
內邪熱同牡丹皮解除肌熱

擇肉厚者水洗去骨晒乾用

官桂味辛甘氣熱氣味俱薄體輕而上行浮而升陽
也入足太陽膀胱通榮衛而開腠理和氣血以散風
寒如痘不起發不光壯者用之參耆藉其力而達表
四肢痘發不透者宜此引經惟妊婦出痘不可用以
桂能墮胎故也如內虛腹痛者用之若發表用桂枝

也

丁香味辛氣溫純陽入手太陰肺足陽明胃足少陰
經治脾胃之嘔逆治心腹之冷痛凡痘瘡泄瀉脾胃
虛寒者可用寒戰咬牙足冷者與桂同用

木香味辛苦氣溫味厚於氣降也陰中陽也和脾胃
散肺中滯氣逐積年冷氣止瀉痢與補藥爲佐則補
與瀉藥爲佐則瀉痘家非瀉痢者勿用

擇形如枯骨枯口粘牙者佳勿見火實大腸火
煨用

乾葛味甘氣平寒氣味俱薄體輕上行浮而微降陽

中陰也入足陽明發表解肌生津止渴升提胃氣善
除胃熱而療渴煩也

擇白淨多粉者削去皮用

犀角味苦酸鹹一云辛甘氣寒入陽明能解煩熱之
溫疫善療瘡腫之癰疽鎮肝明目安心定神凡痘血
熱者用之血虛者勿加

擇角尖黑色肌皴皺光潤者佳用宜水磨

黃連味苦氣寒味厚氣薄可升可降沉也陰也陰中
微陽入手少陰心鎮肝涼血止煩渴而除驚悸解熱
毒而厚腸胃如初病氣實熱盛者可用如久病氣虛

發熱者服之反助其火也

擇肥大堅實者去鬚切以酒浸晒乾炒用瀉陳
壁土炒痘後目痛人乳浸蒸夏月生用冬月官
桂煎浸晒炒

麥門冬味甘微苦氣平微寒降也陽中微陰入手太
陰肺手少陰心治肺伏火邪補心勞傷損除煩解渴
益精強陰退虛熱客邪毆心肺燥咳

擇肥大者去心用不令人煩

五味子味酸氣溫味厚氣輕降也陽中微陰入手太
陰肺足少陰腎生津止渴益氣強陰毆煩熱補元陽

收耗散之金滋不足之水凡痘家咳嗽者用之

擇肥大潤澤者去梗酒洗晒乾搗碎則五味具
天花粉味苦氣寒味厚陰也潤心中枯渴降膈上熱
痰排膿消腫長肉生肌

擇白者去皮搗爛以糯米泔水攪開攄取粉陰
乾用

訶黎勒味苦酸氣溫苦重酸輕性急降也陰也開胃
泄腸而止瀉痢噉痰住嗽以治膨脝因味酸苦而有
收斂降火之能也

擇六稜黑色肉厚者火煨去核用

白芷味辛氣溫氣味俱輕升也陽也通行手足陽明
又爲手太陰之引使去肺經風寒療心腹血痛排膿
消毒長肉生肌

紫蘇味辛甘氣微溫解肌發表開胃下食梗下諸氣
子毆痰喘潤心肺止欬而降氣也

羌活味苦甘辛氣平微溫氣味俱輕浮而升陽也紫
色節密者爲羌活肺與膀胱引經之藥又入足少陰
厥陰黃色成塊者爲獨活入足少陰腎俱透關節散
肌表之邪利百節之痛

防風味甘辛氣溫升也陽也主太陽經藥通行脾胃

乃卒伍卑賤之職隨所引而至者也治上焦風邪瀉
肺實有餘如痘作痒者蜜煮與黃耆同用如手足痘
不起發者酒洗與芍桂同加痘濕不易收者用之風
能勝濕也

薏苡仁味甘氣微寒無毒專療濕痺筋急拘攣消水
腫利腸胃主渴除煩開胃進食

枳殼味苦酸辛氣微寒氣厚味薄浮而升微降陰中
陽也主胸膈痞塞寬大腸結氣除脹滿而利關節破
痰癖以消積聚

擇陳久不蛀者以水去穢麩炒熟用

麻黃味甘辛氣溫氣味俱薄輕清而浮升也陽也入
手太陰肺又手陽明榮衛之藥散風寒解疫癘泄衛
實而消癍疹去榮寒而除身熱乃發汗解表之聖藥
也

擇陳久者去根節沸湯泡三次曬乾剉又以蜜
酒各半浸良久再晒炒焦色用凡痘出遲及黑
陷倒靨者用之

厚朴味苦辛氣溫氣味俱厚體重濁而漸降陰中陽
也下氣消痰溫中益氣治腹痛消脹滿凡痘家腹脹
者用之

擇肉厚紫色者去皮以生薑自然汁塗慢火上

炙令透剉用

山藥味甘氣溫平入手太陰肺足太陰脾主諸虛百損五勞七傷長肌肉強筋骨除煩熱消腫硬益氣調中之聖藥也

白匭苳味甘氣微溫主下氣和中治霍亂吐逆消暑止瀉之藥也

糯米味甘氣溫主動正氣而足漿戀膈難化充飡不宜

陳倉米味甘鹹酸氣溫調和脾胃止洩瀉解煩渴取

多年倉中香黃者炒熟煮湯能潤喉燥

猪苓味甘苦淡氣平氣味俱薄升而微降陽也入足
太陽少陰通淋消腫滿除濕利水道大能燥亡津液
倘無濕症勿輕用之

澤瀉味甘鹹氣寒氣味俱厚沉而降陰也入足經太
陽少陽除濕止渴聖藥通淋利水仙丹

淡竹葉味甘淡氣平寒陰中微陽專涼心經除煩止
渴一種草類專利小便竹茹退熱善除嘔逆竹筍發
氣能托痘瘡

白石膏味辛甘微寒氣味俱薄體重而沉降也陰中

病疹作心金 卷一
陽也入手太陰肺足陽明胃手少陽三焦生津止渴
瀉胃火解肌表

擇白者火煨研末用

桑根白皮味甘辛氣寒可升可降陽中陰也入手太
陰瀉肺中火邪除喘嗽唾血解渴消痰

擇白者去外皮剉以蜜水浸透晒乾如此三次

炒黃色用

杏仁味甘苦氣溫可升可降陰中陽也入手太陰肺
除胸中氣逆喘促止咳嗽逐痰潤燥

擇去雙仁去皮尖炒黃色研用如泥

枸杞子味苦甘氣微寒明目安神補勞傷消渴添精固髓健筋骨滋陰

山茱萸味酸澁氣平微溫無毒入足厥陰肝足少陰腎補肝腎而興陽道益精髓以煖腰膝

栝榔味辛苦氣溫氣薄味厚沉而降陰中陽也逐水穀能治痰癖破滯氣以除後重

草果味辛氣溫升也陽也消宿食除脹滿去邪氣卻冷痛惟專消導大耗元氣老弱虛羸者少用

酸棗仁味酸氣平無毒益肝而寧心志補內以斂虛汗馭煩止渴五臟能安

取淨仁如生用治多眠膽實有熱炒熱用治不眠膽虛有寒也

史君子味甘氣溫除疳殺蟲止瀉禁痢

用火微煨去殼用

乾姜味辛氣大熱氣味俱厚半沉半浮可升可降陽中陰也止吐瀉理中除臟腑沉寒

溫水洗浸火炙令胖用

大黃味苦氣大寒氣味俱厚沉而降陰也入手足陽明蕩滌腸胃通利水穀瀉實熱利燥結凡痘家大便不通腹脹煩躁者用之

擇堅實錦紋者酒浸蒸晒乾用

鼠粘子味辛苦氣平退風熱痰壅咽喉不利透毒解毒痘家之聖藥也

以酒淘去沙土去浮者不用晒乾瓦器炒研用之

升麻味苦甘氣平微寒氣味俱薄浮而升陽也足太陰陽明引經藥凡補脾胃必此引之毆皮膚之風熱散肌肉之客邪引葱白散手陽明之風邪引石膏止足陽明之齟痛苦元氣不足陽氣下陷者用此升提上行如痘出遲起發不易者酒洗用之

前胡味苦氣平微寒氣味俱輕升也陽也治結氣而消癖滿鼓痰實以療風寒

蒼朮味苦甘辛氣溫味厚氣薄可升可降陰中陽也入足陽明太陽寬中進食健胃安脾消痰結燥脾濕如痘濕痒不易斂者用之

擇堅實中白者去皮剉以粘米泔浸透晒乾取東壁土炒黃色用

貝母味辛苦氣平微寒入手太陰肺主咳嗽消痰散心中逆氣

山梔子味苦氣寒味厚氣浮微降陰中陽也入手太

陰而瀉肺火解熱鬱而行結氣其性屈曲下行大能
降火從小便中泄去有云利小便者實非利小便乃
清肺也肺氣清而化則小便從此氣化而出經曰膀胱
爲津液之腑氣化出焉此之謂也

擇七稜鮮紅者去內熱用仁酒浸晒乾炒焦色
如去肌表熱和皮用亦酒制如解鬱火薑汁製
如止血炒黑

黑附子味辛甘氣大熱浮也陽中之陽也除四肢厥
逆去五臟沉寒補陽氣不足能引導諸經凡助甘緩
參耆成功健潤滯地黃建効痘內虛泄瀉四肢厥冷

寒戰咬牙及灰白痒塌者用之

擇頂平正圓一兩一枚者先以童便浸過紙包

慢火中炮極熟去皮臍切片再用防風甘草煎

湯乘熱浸過晒乾用

龍腦片即冰片味辛苦氣溫微寒

痘家心煩狂躁妄語者取為細末猪心血丸如

雞豆大每用一九紫草茸湯送下

麝香味辛氣溫鎮心安神而除驚悸通關利竅以善

催生故痘家用之於人牙濁聖散內

雄黃味苦辛甘氣平寒治瘡瘍辟邪鬼

硃砂味甘氣微寒主鎮養心神通調血脉

珍珠氣寒鎮心安神治小兒驚熱風癩

牛膝味苦酸氣平益陰壯陽而除腰膝痠痛小便短少以治手足寒脾

擇肥大者酒洗用

遠志味苦氣溫益精氣而壯元陽安心神而增智慧去骨取皮甘草湯浸一宿晒乾用

杜仲味辛甘氣平溫氣味俱薄降也陽也補中強志益腎添精腰痛者神功足疼者立効

取厚潤者去皮剉薑汁潤透炒去絲

破故紙味苦辛氣大溫主氣血勞傷治腰膝痠痛固
精髓興陽道

用鹽酒浸一宿蒸過晒乾

薄荷味辛苦氣溫氣味俱薄浮而升陽也入手太陰
厥陰主下氣而消脹滿發汗而通關節清六陽會首
毆諸熱風痰治小兒風涎壯熱能引藥入於榮衛

天麻味辛苦氣平治小兒風疳驚悸療大人風熱頭
眩毆濕痺拘攣利腰膝強筋

神麴味甘氣平入足陽明胃經下氣調中消食止瀉
破癥結逐痰積

大麥蘗味鹹溫化食消痰虛者少用防消腎水
藿香味苦甘氣微溫味薄氣厚可升可降陽也入手
足太陰助脾開胃快氣溫中止嘔吐理霍亂

揀去枝梗用

肉荳蔻味苦辛氣溫入手陽明大腸理脾胃虛寒止
內虛瀉痢

麩包煨熟用

人牙齒屬腎能發腎毒托痘

求小兒落者燒存性爲末加麝香少許用

穿山甲氣微寒能穿經絡于榮分凡瘡痘伏陷借此

痘疹傳心錄 卷十四
引導諸藥若誤用之反耗氣血也

用酒浸以陳壁土炒令黃色用

知母味苦辛氣寒氣味俱厚沉而降陰也入足少陰
陽明手太陰肺經療骨蒸而除痰咳消浮腫善解渴
煩補腎水瀉無根火邪之聖藥也

八腎鹽炒入肺酒炒

燈心味甘氣寒主通陰竅利小便

雞冠血至清至高用之發痘取發陽之意也

桑蛀虫用之發痘亦取發陽之始也

酒漿味甘辛氣溫養脾益肝榮肌膚通血脈厚腸胃

行藥勢能走諸經凡治痘用解毒藥以酒浸洗炒者
可以通行一身之表也

生薑味辛氣微溫氣味俱輕陽也佐大棗益氣厚腸
益脾胃豁痰利竅溫經而散寒邪驅熱而除嘔吐

大棗味甘氣平溫氣厚陽也養脾胃益氣潤心肺生
津助諸經補五臟

玄參味苦鹹氣微寒入足經少陰明目補腎益精強
陰散無根浮遊之火療瘟瘡寒熱往來

烏藥味辛氣溫氣厚於味陽也入足少陰陽明治諸
冷氣消食積作脹攻婦人滯凝血氣去小兒積聚蛔

五

車前子味甘鹹氣寒入足太陽厥陰通淋澀利水道
忍冬花卽金銀花味甘氣溫善治癰疽未成則散甚
多拔毒之功已成則潰大有回生之力

菊花味甘苦氣平寒可升可降陰中陽也清頭腦而
養目去翳膜而治煩熱

青皮味甘辛氣寒氣味俱厚沉而降陰也入手少陽
三焦足厥陰肝散滯氣而疎肝削堅癖而消積凡痘
家用之瀉肝而不作痒也

擇陳久者水浸去穢剉曬乾用

驚甲味鹹氣平散癖痞除勞瘦骨蒸治瘟瘧驅往來
寒熱

擇九肋生剔者以醋漬一週時文火炙脆入石
相杵細若治勞熱童便浸

常山味苦辛氣寒截瘟瘧吐痰沫

擇如雞骨者以酒漿浸晒乾炒用以折其悍性
也

三稜味苦辛氣平消癥痕除積聚

麴包火炮剉醋炒用

蓬朮味苦辛氣溫破瘀血而消積止心痛以通經

依前炮製

黃蘗味苦微辛氣寒氣味俱厚沉而降陰也足太陽少陰經藥降相火而瀉膀胱除骨蒸以滋陰腎

補虛蜜製降火酒製

黃芩味苦氣平大寒味薄氣厚可升可降陰也入手太陰瀉肺火消痰利氣酒炒上行子芩入手陽明瀉大腸火養陰退陽生用最妙得白朮砂仁安胎之聖藥也

天門冬味苦甘氣平大寒氣薄味厚沉也陰也入手太陰肺足少陰腎補虛勞強骨髓能瀉肺火消痰住

噉保脾氣吐衄妄行虛熱人正宜虛寒人勿服

白苳寇味辛氣大溫味薄氣厚陽也入手太陰肺散
冷滯益元陽溫脾却痛消積寬膨

滑石味甘氣寒性沉重降也陰也入足太陽膀胱利
九竅而行六腑解煩渴以實大腸清脾泄降妄火

擇白者研細水飛過用如痘潰爛用此敷之

南星味苦辛氣平可升可降陰中陽也乃肺經本藥
利胸膈下氣而化稠痰也

用生薑湯炮過七次剉晒用

石斛味甘氣平補虛羸而長肌肉壯筋骨而健脚膝

皮外邪熱堪逐胃中虛熱能除

用酒浸蒸過用

香茹味辛氣微溫治傷暑而除煩解熱利小便而調胃溫中如夏月出痘不可缺者清暑故也

瞿麥味苦辛氣寒降也陽中微陰利小便決癰腫去枝梗取實用

射干味苦氣平微溫陰中陽也治太陰之積痰驅喉痺之咽痛

切片以甘草水浸晒乾用

龍膽草味苦澁氣大寒氣味俱厚沉而降陰也益肝

膽而治胃中伏熱卻驚癩能除目內翳膜

去蘆酒洗浸晒乾用

胡黃連味苦氣平寒療勞熱骨蒸治久痢成疳補肝
膽以刮目疼理腰腎而斂陰汗

蘆薈味苦氣寒殺疔疰鎮心明目理小兒驚搐顛癩
茵陳味苦辛氣平微寒陰中微陽入足太陽專治痘
症解傷寒能驅熱煩如夏月出痘熱甚而小便不利
者用之

香附米味苦甘氣微寒氣厚於味陽中陰也開鬱而
快氣逐瘀血以調經

用童便浸透炒如理氣疼醋炒用

阿膠氣甘辛氣平微溫味薄氣厚升也陽也入手太陽足厥陰少陰治肺虛久欬止吐衄崩帶煎氣養血之聖藥也

剉薄片蛤粉和炒成珠入劑不煎研末調化

半夏味辛苦氣平生寒熱溫沉而降陰中陽也入足陽明胃足太陽脾足少陽膽化痰止吐而有燥濕益脾之妙

用沸湯泡過七次仍加薑製

砂仁氣溫味辛苦溫脾胃下氣消宿食止痛

用宜炒碾爲末

硃砂氣味甘微寒安魂魄治驚癇解胎毒痘毒
石菖蒲味辛苦氣溫開心竅出聲音益智慧手足濕
痺可使伸屈

生石澗中一寸九節者方靈忌見鐵

肉苳蓉味甘酸鹹氣微溫治男子絕陽不興洩精遺
溺療女人絕陰不產崩中帶下助相火補益勞傷煖
腰膝堅強筋骨

擇鮮大者佳酒浸刷去浮甲酒蒸忌鐵器

兔絲子味辛甘氣平堅強筋骨補髓添精夢遺精泄

腰膝冷痛

水洗去沙酒漬杵爛捏成餅晒乾爲末

何首烏味甘苦氣微溫長筋骨而益氣血久服添精
令人有子痘瘡血虛者用

擇赤白相兼大者佳竹刀刮去皮米泔浸一宿
晒乾木杵搗碎黑豆浸汁拌豆上九蒸九晒

胡麻味甘氣平補虛羸填腦髓堅筋骨益氣力長肌
膚明目輕身延年不老

用麻布包白酒內洗去沙用舊荷葉上蒸熟搗
碎晒乾如此數次磨爲末如炒則油出難磨矣

女貞實

即冬青樹子

味苦甘氣平補中氣而安五臟養精

神堅強筋力

冬至日收酒浸一宿晒乾研碎

益母草味辛甘氣微溫調胎產而行瘀血生新血以去死胎

端午日收陰乾忌見鐵

地膚子味甘鹹氣寒專利水道去熱膀胱多服益精強陰痘初出而小便赤澁者用之

川續斷味苦辛氣微溫續筋骨以調血脉消腫毒而生肌肉

擇粗根節節斷皮黃皺者佳酒浸一宿晒乾

益智味辛氣溫和中氣治脾胃寒邪禁遺精併小便遺溺止嘔噦以攝涎唾調氣血而理三焦

五加皮味辛苦氣溫微寒健步堅強筋骨能毆常痛風痺

漢防己味辛苦氣平寒平也治腰已下至足濕熱腫痛利大小二便退熱膀胱消腫散毒之効

秦艽味苦辛氣平微溫入手陽明大腸養血榮筋治風痺肢節疼痛

藁本味辛苦氣溫風濕通用止頭痛於巔頂散寒邪

於巨陽

沙參味苦甘氣微寒治諸毒排膿消腫安五臟補肺益肝

苦參味苦氣寒治熱痢下血腸風療溫病狂言心躁丹參味苦氣微寒生新血能毆惡血安生胎而落死胎調經脉而止崩帶消積聚而破癥堅

白蘚皮味苦鹹氣寒治黃疸濕痺手足不能伸屈一切癩毒風瘡

玄胡索味辛苦氣溫入太陰脾肺又走肝經調月水而氣血凝滯治產後瘀血攻冲小腹脹痛

地榆味苦甘酸氣微寒治婦人崩中帶下月水不斷
又止瀉痢腸風諸血熱者可用虛寒瀉痢者忌之

百合味甘氣平養臟智而安心膽消浮腫而治喉痺

蒸食補中益氣

百部味甘苦氣微寒治肺熱咳嗽傳尸骨蒸

去心酒浸焙乾

旋覆花味甘鹹氣溫治頭痛明目止寒熱痰涎

川草薺味苦甘氣平治風寒濕痺筋骨疼痛近道所
產喚爲冷飯團治楊梅瘡劑內用也

芫花味辛苦氣溫治水腫發浮消胸膈痰沫

用醋煮數沸水浸一宿晒乾

鈎藤味甘苦氣微寒專理幼科寒熱驚癇手足搐搦胎風客忤

澤蘭味苦甘氣微溫治胎產百病消遍體虛浮

葶藶子味辛苦氣大寒治肺喘降痰涎逐膀胱伏熱消面目虛浮

擇甜者佳隔紙文火畧炒

吳茱萸味辛苦氣溫大熱主咽噎寒氣散胸隔冷氣
歐脾胃停寒逐膀胱濕氣

用湯泡七次焙乾研碎

琥珀味甘氣平利水道而通五淋定魂魄以安五臟
用青布包敲碎再研細

枇杷葉味苦氣平除肺熱咳嗽治嘔噦渴煩

用麤布刷去毛姜汁浸炙微黃治咳蜜炙

桃仁味苦甘氣平苦重於甘入足厥陰肝潤大腸血
燥便難小腹血凝成塊逐瘀血止痛生新血通經蓋
苦以破滯氣甘能生新血也

用湯泡去皮尖雙仁者不用研如泥爛

蔓荊子味苦辛甘氣溫微寒止頭疼明目利竅通關
用文火炒研去衣

五倍子味苦酸氣平禁瀉痢腸虛卻頑痰退熱

炒黑染烏鬚髮煎湯頻洗眼目

巴豆味辛氣溫生溫熟寒去胃中寒積急攻通利去
皮心膜油生用緩治消積炒令烟盡黃黑熟佳

蘇木味甘鹹氣平專行積血通經立除產後敗血外
科跌撲死血

沉香味辛氣微溫補相火養諸氣

乾漆味辛鹹氣溫能追積殺虫消瘀血止痛

得真者文火炒

白蕪荑味辛氣平殺虫化食

擇氣腥者火炒

雷丸味苦鹹氣寒解胃熱而消蟲積

牙皂味辛鹹氣溫搐鼻噴嚏利關通竅 皂刺治潰

瘍直達潰處成功 大皂莢燒灰存性治積

決明子味酸苦甘氣平微寒除肝熱止目疼治頭痛

止鼻衄搗碎用

蒺藜子味苦辛氣溫微寒療雙目赤疼除喉痺頭痛

婦人癥結積聚男子遺溺泄精

通草味淡氣平專利小腸利水通竅

擇潔白輕虛者佳

青箱子

即白野
花子

味苦氣平微寒多治眼科去肝熱

退心火暴發赤障

木賊味甘微苦益肝膽退目翳

用手掐節淨

茅根味甘氣寒利小便止吐衄除客熱解煩渴花止

血

艾葉氣味苦微溫生寒熟溫入四物湯安胎漏腹痛

調經開鬱溫煖子宮

牽牛子味苦氣寒治壅滯氣急利大小二便水腫虛

浮

用黑者勝炒研取頭末

蘆根味甘氣寒退熱除煩開胃下食

取土內者佳如露出及浮水者不宜用

小麥芽味甘氣溫能消宿食除膨脹文火炒用

白芥子味辛氣溫能消痰癖古云痰在脇下非白芥子不能達

炒研用

萊菔子下氣而除咳喘炒研用

青礞石墜痰消積

火煨研末

羚羊角味苦鹹氣寒毆肝肺邪熱治搐搦驚癇
虎脛骨味辛氣微熱堅強筋骨而治下體痛風

擇大者有力鋸片酥炙脆研末用

牛黃味苦氣平能安神魄治小兒驚癇客忤口禁不
開療大人顛狂發瘧痰壅不語

僵蚕味辛鹹氣平治小兒驚癇夜啼醫婦人崩中帶
下赤白拔痘毒散喉痺

擇直白者佳炒斷絲用蚕退

蚕大眠起所脫皮也

燒灰存

性敷牙疳口瘡益婦人崩帶痢疾下血腸風

五靈脂味甘氣平通經閉治心腹冷痛

酒淘去沙石行血宜生止血宜炒

全蝎味甘辛治小兒風癇手足抽掣毆大人中風口
眼喎斜能消癩癬

洗去泥土新瓦上焙乾研末

紫河車味甘氣大溫治諸虛百損勞瘵傳尸五勞七
傷骨蒸潮熱

取壯盛婦人首生男胎者佳用米泔浸洗再以
白酒洗淨文火炙乾用

朴硝味苦辛鹹氣寒潤燥糞推陳致新消癰腫排膿
散毒 芒硝消痰癖通經滌腸胃明目 硝石味辛

能潤燥鹹能軟堅苦能瀉實也但力較前二硝畧少
緩耳 風化硝取輕而不降易化頑痰 玄明粉緩
而又緩治虛熱虛痰

屋遊 味鹹氣寒利水膀胱治虛浮在皮膚間

取老屋上青苔曬乾能退面上痘瘡浮遊之火
烏飯樹葉 味苦氣平悅顏色耐老堅筋骨健步久
服輕身不饑髮白變黑

南人以四月八日取汁漬米甚黑炊飯甘美

川椒味辛氣溫大熱郤心腹冷痛消水腫黃疽退兩
目翳膜而煖腰膝也 椒目味苦兼辛行水而治水

腫定痰喘劫藥斂盜汗捷方宜炒研末調服

製須炒出汗去目并黃殼閉口者不用

馬兜鈴味苦氣寒微炒燥劫痰喘去肺熱止咳

紫苑味苦辛氣溫主咳逆痰喘肺痿吐膿治小兒驚
癇

水洗去頭浸宿焙用

楮實子味甘氣寒治水腫壯筋骨補虛勞益氣力酒

浸週時晒乾用

漏蘆 味苦鹹氣寒下乳汁止遺溺

槿樹花味苦氣平主瀉痢腸風澁腸止血 又一種

白槿花解毒治喉風

粟米新則味鹹陳則味苦氣平微寒北方曰春爲糧
呼曰小米養腎補脾卻胃熱大解消渴更實大腸
蜜糖味甘氣平微寒益氣補中潤腸治燥更補五臟
不足

取川白者佳文武火煉熟用

飴糖味甘苦氣微溫和平潤肺止渴消痰小兒多食
損齒生蟲

欸冬花味辛甘氣溫止痰嗽潤肺治肺癰膿血腥臭
甘草湯浸一宿晒乾用

果部

荔枝味甘微酸氣溫升也陽也主散無形質滯氣止渴歐寒

殼燒能解穢氣

龍眼味甘氣平益脾胃養肌肉美顏色卻怔忡

榧子味甘屬土與金健筋骨調榮衛多啖引火入肺

大腸受損

白果味甘苦主動風作痰治白濁小兒食之多發驚

搐

胡桃味甘氣溫主補下元多食動風生痰助腎火

栗子味鹹氣溫熟食滯氣生食發氣晒乾食下氣

主健腰足厚賜胃

梨子味甘微酸氣寒止嗽消痰去客熱毆煩渴

柿子味甘氣寒潤心肺止嗽消痰解渴 乾柿氣平

厚賜胃益中

枇杷味甘酸潤五內多食發熱發痰

葡萄味甘酸氣平主逐水氣利小便善發痘疹

蓮肉味甘澁氣平寒生食動氣蒸食養神主益諸經

血氣安君相火邪禁精洩清心去腰痛止痢 石蓮

子惟清心

藕味甘氣寒治瘀血止吐衄煮熟實下焦開胃脘

雞苳實味甘氣平補中氣益精止腰膝疼痛

甘蔗味甘氣平助脾氣和中利二便止渴

沙糖殺疴虫潤肺涼心除寒熱

烏梅味酸氣平收斂肺氣解渴除煩

橄欖味酸甘性溫生津開胃解酒及魚毒 核煨灰

治口疳

榛子味甘性平益氣力寬大腸亦充腸臟

松子味甘性溫平疎風潤臟益志和中

梧桐子味甘性平益脾胃動風氣

石榴味甘酸性平生津解渴食多損肺

楊梅味酸甘性溫少食生津解酒多食熱遺腸胃亦

發宿食

櫻桃味甘微酸性溫能益脾胃多食令人作熱核

煎湯發痧

李子味甘微酸苦性溫多食遺熱于腸胃令人瀉痢

能發痼疾

桃子味甘微酸苦性溫熟食充饑過食令人腸滿作

瀉

杏子味甘酸性溫多食傷筋骨損脾胃

林檎紅即花味甘微酸澁性溫止瀉痢多食發熱滯氣

發痰生瘡

葶藶味甘性平益脾胃消宿食化積滯

茨菰味苦甘性微寒生用清熱解渴熟用和中益氣

活血易產有冷氣者勿用

菱角味甘性平益腸臟亦可充饑多食令人脹滿

無花果味甘性平益脾胃止洩痢

芋菰味辛甘性微寒有小毒益腸胃亦可充饑過食

令人氣滯脹悶有冷氣者勿用

黃荳味甘性溫平益腸胃充飲食去濕痺攣痛解附

子毒利氣

菘苳味甘性微寒解砒毒醒酒清胃熱涼脾 粉敷

丹毒充五臟涼腸胃 芽味甘性平寒清腸胃之熱

赤苳味甘性平利小水消腫滿益脾氣

蚕苳味甘性平益胃充饑多食滯氣

虹苳味甘性平益胃和中

刀苳味甘苦性微寒多食損脾

苳腐味甘性平潤腸臟澤肌膚活血脉通乳汁 油

潤腸解毒

蘿葡味辛甘性温下氣除膨利痰定喘消麩食

冬瓜味甘性微寒養脾胃除煩渴利大小便治小腹
脹久病滑泄者少用

胡荽味辛性溫溫中消谷能通竅治痘疹不易出

葱味辛性溫發寒邪之汗可止頭痛能通上下之陽
開竅利氣

蒜味辛性溫有小毒下氣消食敷癰腫殺虫辟穢惡
生痰久食損目

韭味辛性溫理氣和中 汁止吐衄消瘀血治淋利

水漬湯可洗脫肛

甜瓜味甘性微寒少用止渴利水多食致膨作瀉菜

瓜同

西瓜味甘性微寒解暑渴煩悶利小便

王瓜味甘平性微寒解煩渴滑大腸多食損脾令人瀉利小兒多食生虫積

絲瓜味甘性寒平解痘毒癰瘡利痰降火多食滑腸令人泄瀉

瓠子味甘苦性微寒有小毒利水道消浮腫清熱
茄子味甘平性寒多食動氣能發痼疾胃寒人食之作嘔瀉

莧菜味甘性微寒利大小便清熱益氣久食明目

馬齒莧味甘微酸性微寒止瀉痢治腸痛敷腫毒久
食消翳明目燒灰存性敷口疔瘡

芥菜味辛性溫開胃利氣發瘡瘍子理氣開脾

白菜味甘平性平益脾胃充腸臟

油菜味甘平性平清腸胃利大小便

菘菜味甘性平利腸胃清煩熱解魚腥

茭白味甘性微寒清臟腑熱利小便糟用甚美

紫菜味甘性微寒消癭瘤結氣解煩熱食多令人腹

痛

木耳味甘平性寒平清血熱崩漏帶下去腸中積熱

痔瘡

石花味甘性平寒清胸膈火利腸胃熱

蘇菰味甘微苦性微寒清腸胃熱益脾和中

淡菜味甘鹹氣微寒和肺氣益腎氣

蛤蜊肉性冷煮食潤五臟止消渴開胃殊功

蘄菜味苦平氣寒主女子赤白帶止血益精保血脈

和中增飲食健胃三月八月忌食

萎蕤甘平補中益氣除煩渴治風淫濕毒目痛背爛

疝瘡莖寒自汗一切不足之症

紫菀辛溫潤肺苦溫下氣補虛調中消痰止渴治寒

熱結氣肺經虛熱小兒驚癇

柴胡苦平微寒味薄氣升為陽主陽氣下陷能引清

氣上行而平少陽厥陰之邪熱為足少陽表藥治小

兒痘疹五疳羸熱

篇蓄苦平殺虫芥利小便治黃疸熱淋虻咬腹痛虫

蝕下部

草豆蔻

一名辛草果

辛熱香散煖胃健脾破氣開鬱燥濕祛

寒除痰化食

薑黃苦辛色黃入脾兼入肝經理血中之氣下氣破

血除風消腫治風寒濕痺

鬱金辛苦氣寒純陰之品具性輕揚上行入心及包絡兼入肺經涼心熱散肝鬱下氣破血治婦人經脈逆行小兒痘毒入心

商陸苦寒有毒沉陰下行治水腫脹滿

大戟苦寒有毒能瀉藏府水濕行血發汗利二便

蓖麻子辛甘有毒性善收亦善走能開通諸竅經絡利水氣治胞胎不下追膿拔毒

巴戟天甘辛微溫入腎經血分強陰益精治五勞七傷散風濕脚氣水腫

大小薊甘溫皆能破血下氣行而帶補大薊兼治吐

衄腸癰

夏枯草苦辛寒無毒入肝經辛能散結苦能泄熱獨走厥陰明目治癰

瑣陽甘溫補陰益精興陽潤燥養筋治陽痿滑大腸淫羊藿辛香甘溫入肝腎補命門益精氣堅筋骨利小便治絕陽不興絕陰不產冷風勞氣四肢不仁

覆盆子甘酸微溫益腎藏而固精補肝虛而明目起陽痿縮小便

骨碎補苦溫補腎治耳鳴又入厥陰心包肝能破血止血

蒲黃甘平厥陰血分藥生則性滑行血消瘀通經利小便炒黑性瀋止一切血崩精泄

海藻鹹潤下而軟堅寒行水以泄熱消結核堅聚

昆布功同海藻而少滑性雄治水腫

威靈仙辛泄氣鹹泄水其性善走能宣疎五藏治中風頑痺積聚黃疸大小腸秘一切冷痛

水萍辛散輕浮入肺經能發揚邪汗治一切風濕癰瘰

豨薟苦辛生寒熱溫治肝腎風氣四肢麻痺陰血不足者忌服

青蒿苦寒入少陽厥陰血分治骨蒸勞熱久瘧久痢瘡疥

高良薑味辛溫無毒入脾胃肝三經溫胃止噎治心腹痛

海金沙甘寒淡滲治小腸膀胱血分溫熱及腫滿五淋

穀精草味辛溫輕浮上行陽明胃兼入厥陰肝能明目退翳 兔糞名望月砂兔喜食此草故目疾家收之

王不留行甘苦而平其性行而不住通血脈乃陽明

衝任之藥通經利便下乳催生

山慈茹甘微辛有小毒清熱散結治癰瘡疔腫瘰核
甘遂苦寒有毒能瀉腎經及隧道水濕主治大腹腫
滿痰迷癩癩麩裏煨熱用

貫衆味苦微寒有毒而能解邪熱之毒治崩中帶下
產後氣脹痛破癥瘕發痧痘

山豆根苦寒瀉心火以保金氣去肺與大腸之風熱
消腫止痛腹痛下痢五痔諸瘡

白芨味苦而辛性濇而收入肺止吐血肺損者能復
生之治跌打折骨惡瘡癰腫去腐逐瘀

蛇床子辛苦而溫強湯益陰補腎散寒祛風燥濕治婦人子藏虛寒產門不閉炒熱熨之

黃精平甘補中益氣安五臟益脾胃潤心肺填精髓助筋骨除風濕以其得坤之精粹久服不饑

阿魏辛平入脾胃消肉積去臭氣解葦菜諸毒治心腹冷痛

栝子仁辛甘而潤其氣清香能透心腎而悅脾助脾滋肝益血止汗治風濕驚癇

側栝葉苦瀋微寒養陰滋肺而燥土最清血分爲補陰要藥治吐衄崩淋

槐花苦涼入肝大腸血分而涼血治風熱腸風

辛夷辛溫無毒入肺胃氣分解肌通竅利關節治鼻淵鼻塞風熱諸病火盛者忌服去心去毛用

桑寄生苦甘益血堅腎治安胎崩漏散瘡瘍追風濕
蕤仁甘溫入心肝脾三經消風散熱益水生光治目赤腫痛心腹邪熱

檀香辛溫調脾肺利胸膈去邪惡爲理氣要藥
降香辛溫辟惡氣治傷折止血定痛消腫生肌

蘇合香甘溫通竅開鬱

乳香香竄入心苦溫補腎活血調氣托裏護心生肌

止痛治心腹諸痛

沒藥苦平散結氣通滯血消腫定痛生肌治金瘡惡瘡

安息香辛苦性平入心經行血下氣去鬼來神

血竭甘鹹入血分補心包肝血不足散瘀生新爲和血之聖藥治內傷血聚金瘡折跌止痛生肌

枳殼苦酸微寒破氣行痰止喘消痞寬腸胃氣虛人忌用

茶葉甘苦微寒入心肺二經消食下痰止渴利小便治頭疼

天竺黃甘微寒利竅豁痰鎮肝明目治中風小兒驚
癇

竹葉辛淡甘寒除上焦風邪煩熱咳逆喘促嘔噦吐
血治小兒驚癇○竹茹甘寒止嘔清熱○竹瀝甘寒
潤燥行痰利竅明目筭尖發痘瘡

蜜蒙花甘平入肝經養營利血退翳開光治痘疔攻
眼

胡椒味辛大熱有毒入胃大腸二經下氣溫中消風
去痰

木鼈子甘溫有毒散血熱除癰毒止腰痛生肌肉但

宜外用勿輕內服

水楊苦平止久痢而多功浴痘瘡而起發即忍冬藤也春冬用枝秋夏用枝葉生水邊細葉紅梗枝上有圓果滿果有白鬚散出今醫家用水楊樹根則誤矣
○椿白皮味苦澁寒有小毒瀉血止瀉痢殺虫收產腸

郁李仁酸平入脾大腸二經性專澤下善導大腸燥結利周身水氣乃治標救急之藥慎勿輕用

沒石子苦溫入腎經益血生精強陰治痿助陽事止遺淋

木瓜酸溫入肝經舒筋急利筋緩兼攻濕痺九疰脚氣

香櫞苦溫入肺脾二經理氣止嘔寬中健脾

麻仁甘平入脾胃二經潤五藏通大腸利關節治難產

麻油味甘微寒熟者利大腸下胞衣生者摩瘡腫生禿髮

黑豆甘平入腎經活血散風除熱解毒消水腫稀痘瘡

淡豆豉味甘苦寒入肺脾二經解肌發汗下氣清煩

治寒熱溫瘧癘痢

穀芽味甘苦溫其生化之性故能消食健脾和中開胃

醋酸溫入肝經破癥積塗癰疽消心腹之疼殺魚肉之毒

瓜蒂苦寒有小毒入胃經治水停食積極苦而性上湧故能吐而去上焦之病

金箔辛平有毒鎮心辟惡○銀箔功用相倣自然銅辛平續筋接骨消痰破滯

銅青辛酸女科理血氣之痛眼科主風熱之疼內科

吐風痰之聚外科止金瘡之血殺虫有效疔證亦宜
黃丹辛寒止痛生肌鎮心安魄下痰殺虫截瘡止痢
蜜陀僧辛平有小毒鎮心主治五痔金瘡瘡痢
紫石英甘溫而補入心肝血分主心神不安肝血不
足不孕者宜之

赤石脂酸辛大溫入心胃大腸三經收濕止血固下
治癰瘍崩漏脫肛腸澀

爐甘石甘溫止血消腫收濕除爛退赤去翳爲目疾
要藥

鍾乳石甘濕有毒益精止嗽解渴通百節利九竅

陽起石鹹溫入腎經固精而壯元陽益氣而止崩帶
磁石辛鹹入腎經補腎益精除煩祛熱通耳明目治
驚癇腫核止金瘡血

食鹽鹹甘辛寒入腎經通二便鹹走血而寒勝熱故
治目赤癰腫血熱兼治心虛骨病齒痛痰飲喘逆結
核積聚解毒殺虫定痛止癢多食傷肺凡而病哮喘
水腫消渴人大忌

蓬砂味苦辛寒入肺經除上焦胸膈之痰熱治喉痺
口齒諸痛噎膈積塊努肉目翳

硫黃味酸有毒大熱純陽補命門真火不足性雖熱

而疎利大腸治寒痺冷癖小兒慢驚殺虫療瘡

白礬酸鹹而寒性瀉而收燥濕追涎化痰墜渴解毒
生津除風殺虫止血定痛通二便蝕惡肉生好肉除
骨髓痼熱治驚癇黃疽血喉痺齒痛崩帶脫肛疔腫
癰疽多服損心肺傷骨○煨乾汁卽名枯礬

伏龍肝辛溫主崩中帶下尿血遺精去濕是其專長
墨辛溫止血消癰

百草霜辛溫清咽治痰解熱定血

髮苦溫去瘀補陰吐血衄紅腸風崩帶○乳甘平大
補真陰最清煩熱○津唾甘平辟邪消腫明目悅肌

○ 溺鹹寒無毒行瘀血解勞蒸產婦要藥跌撲仙方
取積年溺垢卽名人中白○ 金汁卽名人中黃苦寒
無毒止陽毒發狂清痘瘡血熱解百毒傳疔瘡

龍骨齒甘平瀉精固腸止自汗生肌肉止崩淋齒齦
涼鎮心安魂治小兒五驚十二癩

黃牛肉甘溫入肝經安中補脾益骨止渴○ 乳味甘
微寒潤腸胃解熱毒治反胃膈噎

熊膽味苦寒無毒殺虫治五疳止痢除黃疸去目障
虛家戒用

象皮鹹溫無毒金瘡要藥長肉神丹

鹿茸

初生之角

味甘鹹溫無毒健骨益氣除腰體疼痛止

崩漏虛勞者宜用○角茸生兩月成角補腎生精強

骨壯髓所云惟有班龍項上珠能補玉堂關下缺

羊肉甘溫入脾腎二經益氣血壯陽道開胃健力通

氣發瘡○肝苦寒補肝明目○膽點風淚眼去障翳

○脛骨入腎補骨○血解金銀丹石砒硫一切諸毒

○乳甘溫補肺腎虛治反胃消渴口瘡舌腫

狗肉 酸鹹性溫暖脾益胃補虛寒助陽事

虎骨味辛微熱追風健骨定痛辟邪治風痺拘攣驚

悸顛癇○肚治反胃○睛治小兒驚癇夜啼

獺肝甘温有毒治鬼疰傳尸疫毒蠱災。爪能按逐癆虫。

猪水畜鹹寒。心血為心經藥之嚮導。尾血治痘瘡。倒靨。肺治肺虛咳嗽。肚入胃健脾。腎鹹冷治腰痛耳聾。腸治腸風血痢。膽汁苦入心勝熱潤燥。瀉肝胆之火。脂甘寒潤燥行水散風解毒。肉凡肉皆補惟猪肉無補。

鴨味甘鹹平滋陰氣化虛痰。毛白鳥嘴鳳頭者為虛癆聖藥。

烏骨雞甘平益肝腎退熱補虛治虛癆消渴下痢禁。

口帶下崩中

露蜂房甘温有毒拔疔瘡洗乳癰止風虫牙痛

牡蠣味鹹寒入腎經消煩滿化痰凝固精止汗

龜版鹹寒有毒入心腎二經補腎退骨蒸熱固腸止

痢兼療小兒顛不合

桑螵蛸味鹹平起陽事益精氣入腎經

石決明鹹平入肝經消障翳點赤膜

蟹鹹寒有小毒散惡血清熱結續筋接骨解漆瘡毒

合小兒顛門○瓜墮胎

斷蛇味鹹温有毒主癰瘰厲風治小兒急慢驚風

痘疹傳心錄

卷十四

七

斑猫辛寒有毒破血結癥痕利水道拔疔疽之根解
蠱毒輕粉毒不宜多用

蟾酥辛溫有毒療外科各症有奪命之功

蝦蟇辛溫有毒發瘡毒理疔積

水蛭味鹹苦平破惡血積聚療赤白丹腫癰毒入烏
鬚藥中能引藥力倒上至根

澤蘭葉苦甘微溫治金瘡癰腫治胎前產後百病通
九竅利關節兼治鼻血頭風目痛

紫葛根皮甘苦寒治癰腫惡瘡生肌散血

松花甘溫潤心肺益氣除風止血

猫肉甘酸温無毒治癆疰鼠癩蠱毒○頭骨甘温治
鬼疰心腹痛殺虫治疖及痘瘡變赤○牙治痘瘡倒
靨

紅麴甘温消食活血健脾燥胃治赤白痢

雄雞甘温補虛温中○頭居清高之分取其陽氣充

足故治中惡驚忤攻發痘瘡○子甘平鎮心益氣清

咽開音補血○純皮一名雞內金消水谷除熱止煩

紫背荷葉苦平止渴破血

膩粉

即水銀砂一名輕粉

辛温燥有毒通大腸轉小疖痺殺瘡

疥癬虫

油臙脂性熱潤燥治痘瘡燥裂

翻白草甘微苦平治吐血下血瘡疾癰瘡

田螺味大寒利溫清熱止渴點目熱赤痛捺痔瘡狐

臭

綿繭甘溫無毒治無頭癰腫療痘瘡疳蝕及下血崩

淋煨灰用

蕎麥甘平寒寔腸胃益氣治小兒丹毒赤腫熱瘡消

滯

芫荽子辛酸平消谷治蠱毒五痔塗小兒禿瘡發痘

疹

黃明膠甘平無毒治吐血衄血淋痢打撲傷損一切
癰疽腫毒止痛潤燥

白欵根苦平治癰疽散結氣血止痛除熱

芙蓉葉微辛平清肺涼血散熱解毒治癰疽惡瘡排
膿止痛

小粉甘涼補中益氣脈消一切癰腫湯火傷

鸛雀嘴治喉痺飛尸蛇虺咬小兒閃癖大腹痞滿○
卵水煮兒啖預解痘毒

水龍骨主治平療婦人崩中吐血治金瘡卽船底所
用油灰蘇皮陳年者佳

白蠟甘溫無毒生肌止血定痛補虛續筋接骨殺瘰

虫

黃蠟甘微溫治痢下膿血續絕傷金瘡

甜瓜子甘寒清肺潤腸和中止渴治腹內納聚破潰
膿血最爲腸胃脾內壅要藥

桑根滋治小兒口瘡白漫塗金刃傷大風瘡疥解百
毒氣

鳶膽苦寒解熱毒痔瘡

青魚膽苦寒色青入肝胆治目疾消赤腫障翳塗火
熱瘡

蒲扇治盜汗月水不斷

棟樹花治熱癩鋪席下殺蚤虱

地蜈蚣草苦寒無毒解諸毒大便不通汁塗癰腫

白頭翁苦溫無毒治溫瘧狂狓寒熱癥瘕止腹痛療

金瘡止痢兼主一切風氣

代赭石苦寒養血氣平血熱小兒慢驚金瘡長肉

鍋巴益胃除濕

五谷虫寒治熱病小兒疳積疔瘡

鱸魚甘平無毒治腹內惡血去小虫補虛勞益脾胃

治腸風瀉血

石肝味酸無毒主身痒令人色美

痘疹傳心錄卷之十四終

痘疹傳心錄卷之十五

古今信効諸方

升麻葛根湯 治痘初發熱疑似之間

葛根 升麻 甘草 芍藥

右剉加生薑三片水煎溫服

或曰痘瘡一見紅點便忌升麻葛根湯此專爲表虛自汗者而言之若兒外感風寒壅閉腠理但恐葛根力小而不能勝之安可棄之不用耶但用之貴于合宜中病卽止

加減參蘇飲 治風寒壯熱痰嗽身痛頭疼

陳皮 半夏 甘草 茯苓

紫蘇 葛根 前胡 桔梗

如前煎服

芎蘇散 治同前

川芎 紫蘇 葛根 桔梗

柴胡 茯苓 甘草 半夏

陳皮 枳殼

如前煎服

藿香正氣散 治四時感冒頭疼壯熱或吐瀉

白朮 茯苓 陳皮 甘草

半夏

桔梗

藿香

紫蘇

白芷

厚朴

大腹皮

右剉加生薑三片棗一枚水煎溫服

十神湯 治感冒風熱頭疼身痛無汗

川芎

甘草

麻黃

乾葛

升麻

紫蘇

白芷

陳皮

枳殼

赤芍藥

如前煎服

大柴胡湯

治傷寒壯熱大便難

柴胡

黃芩

芍藥

半夏

大黃 枳實

如前煎服

小柴胡湯 治寒熱往來邪在少陽經

柴胡 黃芩 人參 甘草

半夏

如前煎服

大承氣湯 治胃實譫言五六日不更腹滿煩渴舌

乾口燥

大黃 厚朴 枳實 芒硝

如前煎服

小承氣湯 治腹脹便秘煩悶

大黃 厚朴 枳實

如前煎服

桂枝葛根湯 治風寒寒熱往來

葛根 桂枝 升麻 防風

甘草 赤芍

如前煎服

百解散 治感冒風寒無汗

乾葛 升麻 赤芍 黃芩

麻黃 薄桂 甘草

如前煎服

竹葉石膏湯

治汗下後心煩發熱津液乾涸

麥門冬

人參

甘草

石膏

半夏

竹葉

加粳米百粒如前煎服

羌活散鬱湯

治毒盛壅遏喘脹

羌活

防風

荆芥

白芷

桔梗

牛旁

連翹

甘草

紫草

川芎

加生薑三片煎服

升麻疏散散

治痘初出不易透發

升麻

川芎

甘草

桔梗

木通

山查

蟬蛻

陳皮

毒盛加牛旁子毒壅加穿山甲紅花表實不易透

加葛根如前煎服

羌活湯 治外客風寒身肢骨節痛

羌活

防風

柴胡

白芷

甘草

蟬蛻

桔梗

毒不透加升麻牛旁穿山甲如前煎服

九味羌活湯 治傷風惡寒頭疼骨痛

羌活

防風

川芎

白芷

細辛

蒼朮

甘草

生地

黃芩 水煎服

溫膽湯 治汗下後虛煩不卧

竹茹 枳實 半夏 茯苓

甘草 陳皮 如前煎服

紅綿散 治熱盛風寒驚搐

全蝎 天麻 麻黃 荆芥

甘草 薄荷 紫草 蟬蛻

紫蘇飲 治氣虛毒不易出

人參 紫蘇 川芎 桔梗

甘草 陳皮 升麻

補中益氣湯

治氣虛痘瘡起脹時用

人參

黃耆

甘草

白朮

當歸

陳皮

升麻

柴胡

右剉加生薑三片水煎服

按補中益氣湯卽保元湯加白朮佐參耆益氣健脾當歸以和血脈陳皮理滯氣又能助陽氣上升升麻柴胡引黃耆甘草甘溫之氣上升而補衛氣散解而實表也

保元湯

治痘瘡氣虛倒陷者

黃耆

人參

甘草

官桂

右剉片加生薑三片糯米一撮水煎入人乳溫服
按人參黃耆甘草性味甘溫專補中氣而能瀉
火故虛火非此不去也而又加官桂制其血血
在內引而出之血在外引而入之參芪非桂之
逐血引導則不能獨樹其功也又加生薑以助
參耆之力

大保元湯 助漿

人參

黃耆

甘草

官桂

糯米

防風

白芷

川芎

當歸

白朮

生薑

歸茸散 治血虛不能成漿

鹿茸一兩以好酒瓦瓶煮令皮脫取出將酒濾過留用其茸再煮皮爛爲度以布濾揉爛皮化在酒內其毛去之再將骨炙爲末用當歸五錢煎湯調酒膠及末漸服

河車散 益陰助漿

用乾胎衣一具切片用白粘米一合同炒黃色研爲末用保元湯送下一錢酒漿亦可

又方

用河車水以粘米二合浸一宿曬乾再浸再晒

水盡為度微炒為末每用一錢保元湯送下

小異攻散 調理脾胃

人參 白朮 茯苓 甘草

陳皮

陳氏異攻散 治表虛痒塌內虛泄瀉寒戰咬牙頭

溫足冷

木香 官桂 當歸 人參

茯苓 陳皮 厚朴 丁香

肉荳蔻 白朮 附子 半夏

水煎服

木香散 治痘灰白表虛內虛泄瀉腹脹

木香 人參 訶子 丁香

青皮 前胡 桂心 甘草

大腹皮 赤茯苓

右劉加煨薑三片棗一枚水煎溫服

七味白朮散 調和脾胃

人參 白朮 茯苓 甘草

藿香 木香 葛根

右劉加生薑二片水煎溫服

四君子湯 益氣調脾

本草綱目卷之五 六十五 七

人參

白朮

茯苓

甘草

參苓白朮散

治痘後脾胃虛弱

人參

白朮

茯苓

甘草

蓮肉

桔梗

山藥

砂仁

薏苡仁

白扁豆

各等分爲末清米湯調下

四物湯 養血

當歸

川芎

芍藥

地黃

右剉水煎溫服

六君子湯

調理脾胃

四君子湯加半夏陳皮

水煎服

十全大補湯

補養氣血和榮衛

四君四物加黃耆官桂

生脈散

補元氣生津止渴

人參

五味子

麥門冬

理中湯

治內虛寒泄瀉

人參

白朮

甘草

乾薑

右剉水煎服手足厥冷瀉甚者加附子

益黃湯

治胃冷嘔吐而瀉

陳皮 青皮 丁香 木香

訶子肉 砂仁

歸脾湯 治怔忡勞傷心脾

人參 白朮 茯神 黃芪

木香 甘草 酸棗仁 龍眼肉

右劉加生薑三片大棗一枚水煎溫服

甘桔湯 治咽喉腫痛

甘草 桔梗 牛旁子

涼血解毒湯 治血熱毒盛

當歸 生地黃 牛旁子 紅花

木通

赤芍

牡丹皮

連翹

桔梗

犀角地黃湯

涼血解毒

犀角

水磨

牡丹皮

赤芍藥

生地

黃連解毒湯

清火解毒

黃連

山梔仁

牛旁子

黃芩

四順清涼飲

治血燥便秘

當歸

芍藥

大黃

甘草

導赤散

治小便赤口煩渴

黃芩

生地黃

赤茯苓

木通

甘草

右剉加淡竹葉七片燈心二十根水煎溫服

八正車前散 治小便不通

滑石

大黃

木通

車前子

篇蓄

瞿麥

甘草

山梔仁

奪命五毒丹

治痘黑陷倒靨

牛黃

二分

硃砂

一錢

雄黃

三分

冰片

二分

蟾酥

少許

右為末用小猪尾血為丸如麻子大每用一丸薄

荷湯下即時紅活

奪命丹 治同前

麻黃 升麻 牛旁 紅花子

連翹 蟬蛻 紫草 人中黃

右爲末酒蜜丸如圓眼大硃砂爲衣薄荷湯化下

通膈丸 利心經積熱二便不通

大黃五錢 木通二錢五分 黑牽牛頭末一兩

右爲末水丸如麻子大每服二三十丸白湯送下

四牙散 治痘黑陷倒靨

人猶猪犬四牙煨存性爲末每用二分加麝香

少許酒漿調服或獨用人牙亦妙

獨聖散

治毒盛而經絡壅塞痘不易出

穿山甲酒洗淨土炒黃色為末每用三分加麝

香少許酒漿調下或紫草湯入酒漿調服

加味獨聖散

治同前

穿山甲

一兩酒洗淨和砂仁陳皮

白芍藥

一兩酒漿

煑紅麴

八錢

升麻

一兩

蟾酥

五錢

笋嫩

右為末每用二分酒漿調服

攻毒湯

治痘不易起發

鱧魚

活者不論大小一箇

丹雄雞頭

去毛

穿山甲

三錢煨

生薑

片五

鮮笋

六頭一兩

右水煮熟令兒飲汁時加酒漿少許兒食雞冠笋

透肌散 治痘出不快

升麻 紫草茸 甘草各五錢 粘米五十粒

右劉加生薑三片水煎服

如金散 治痘陷伏

紫背荷葉霜後搭水者 白殭蠶各等分

右為末每服五分芫荽冲酒漿調服

助神散 治同前

人牙三箇煨存性 蜈蚣頭三箇煨存性

右為末用水邊蘆根取汁粟根煎湯加酒漿和勻

一小酒盞調前末服

退火回生丹 治痘血熱乾枯

滑石 一錢

辰砂 一錢

冰片 三厘

右為末每用一分冷水調服

無比散 治痘焦紫

牛黃

片腦 各五分

麝香

一錢

硃砂

三錢

臙粉 五錢

右為末每歲用一分井水調下或和小猪尾血三

五點尤妙

四聖散 治痘疔

珍珠

性

頭髮灰

各一分

冰片

五厘

碗苔

四十九粒燒存

右為末用油臘脂調成膏先以銀針挑破瘡口將

藥填八疔內即變紅活

解毒湯 治五六月間痘疔

當歸尾

生地黃

紫草

紫花地丁

番白草

牛旁子

蟬蛻

辰砂益元散

治裏熱小便黃

滑石

水飛過六錢

甘草末

一錢

硃砂

一錢水飛過

右和勻涼水調下一二匙

寧神湯 養血安神

人參 一錢 黃連 五分 生地黃 一錢 麥門冬 一錢

當歸 一錢 甘草 五分 山梔仁 五分 石菖蒲 三分

辰砂末 二分

右剉加燈心十根水煎調辰砂末食後溫服

安神丸

黃連 當歸 茯神 麥門冬

甘草 各五錢 硃砂 一兩 龍腦 三分

右為末和猪心血搗勻丸如黍米大每用十九燈

心湯送下

肉荳蔻丸 治洞瀉

木香 砂仁 白龍骨 訶子內各五錢

赤石脂 白枯礬各七錢 肉荳蔻五錢

右為末麩糊丸如黍米大一歲服三五十九米飲

湯送下

硃砂安神丸

黃連 硃砂各二錢 當歸身三錢 白茯苓二錢

甘草一錢 遠志 石菖蒲各二錢 酸棗仁一錢

右為末猪心血丸如芡實大硃砂為衣燈心湯下

枳殼湯 治誤服參耆喘急腹脹

枳殼 陳皮 厚朴 大腹皮

甘草

寬中湯 治誤服溫燥陽盛陰虛津竭便結

枳殼 當歸 赤茯苓 生地黃

甘草 赤芍

滋陰潤燥湯 治誤服辛熱之劑致咽喉腫痛口舌

生瘡目赤疼痛

當歸 荆芥 生地黃 赤芍藥

連翹 黃連 山梔仁 天花粉

木通 薄荷 牛旁子

麥門冬湯

治便實燥渴津液不足血枯不榮

當歸

芍藥

麥門冬

生地黃

安臣湯

黃連

陳皮

牛旁

川練子

芍藥

連翹

煨薑

人參解毒湯

六七日痘清火解毒

人參

黃連

山梔仁

牛旁子

柴胡

黃芩

調脾內托散

益氣調脾

人參

黃耆

甘草

陳皮

白朮 藿香 大棗 煨薑

陳倉米

清解散

甘草 桔梗 連翹 牛旁子

橘紅 山查 前胡 天花粉

枳殼 生薑

清金化毒湯

茯苓 甘草 陳皮 山梔仁

芍藥 知母 連翹 薏苡仁

牛旁 燈心

外消散 治陰囊腫亮

大黃

牡蠣

各五錢

朴硝

二錢

右為末取田螺洗淨以水活過一夜取水調前末塗腫處即愈

調脾養榮湯

人參

山藥

茯苓

麥門冬

當歸

芍藥

黃連

酸棗仁

甘草

右剉加蓮肉圓眼肉水煎服

芍藥解毒湯

宣參傳心錄

卷十五

左

通雅傳心金卷一五

當歸 黃連 山查 白芍藥

連翹 荆芥 木香 牛旁子

滅癩散

蜜陀僧 滑石各二兩 白芷五錢

右爲末濕則乾摻乾則以蜜調敷

綿繭散 治痘疔蝕瘡

綿繭燒灰存性三錢枯礬一兩蜜陀僧五錢白

芷炒黑

右爲末濕則乾摻乾則蜜調敷

敗草散

多年墻上爛茅草擇淨爲末摻之此受天地陰陽之氣善解痘毒

松花散

松花

半升

蕎麥粉

半升

和勻凡痘破者以此敷

之潰爛者以此襯卧尤佳

天水散

滑石

五兩

甘草

黃柏

各一兩

右爲末敷痘破處

茵陳膏

用茵陳爲末搗棗膏和丸如雞子大晒乾烈火

烧烟薰之

又方 以芫荇子微燒之又以荔枝殼燒之亦妙

當歸丸 清熱利便

當歸

五錢

黃連

一分

大黃

二錢五分

甘草

一錢

先以當歸熬成膏以下三味研為細末以膏和為丸如胡椒大三歲以下兒十九七八歲二十九食前清米湯送下以利為度

仙方活命飲 治癰腫未成則散已成則潰

當歸

貝母

陳皮

金銀花

乳香

沒藥

皂刺

穿山甲

防風

甘草

白芷

天花粉

托裏化毒湯

治痘癰成膿

人參

黃耆

茯苓

金銀花

甘草

當歸

白朮

牛旁子

白芷

連翹

陳皮

下部加牛膝木瓜米仁獨活未潰加穿山甲

六味活血散

當歸

川芎

生地黃

赤芍藥

紅花

蘇木

千金托裏散

人參

黃耆

當歸

白芍藥

甘草

牛膝

獨活

金銀花

連翹

白芷

米仁

十宣托裏散

人參

黃耆

茯苓

白芍藥

川芎

當歸

白朮

皂角刺

人參養榮湯

治痘癰已潰惡寒發熱肉削倦怠因

氣血不足不能收斂

人參

白朮

黃耆

白芍藥

甘草

當歸

陳皮

麥門冬

升麻

遠志

桂心

五味子

鐵籬散

廣膠

四兩

大黃

五錢

乳香

一錢

沒藥

一錢

白欬

五錢

半夏

五錢

南星

五錢

黃丹

四錢

右爲末用好醋半碗煎化膠調前藥末爲丸如彈子大須畱藥末拌收用時以醋煎滾化開以新筆塗之中畱一孔

又方

芙蓉葉

白芨

大黃

牛旁子

雄黃

各等分爲末雞子清調塗

玉龍膏

草烏

三兩 煨

火薑

三兩 煨

白芷

一兩

官桂

一兩

赤芍藥

一兩

右為末熟好酒調塗不畱孔日易二次

圍藥方

川烏

花粉

白歛

青木香

黃柏

南星

大黃

菴荳粉

右為末雞子清調塗

烏龍散

秋芙蓉葉

陳年小粉

文蛤

各等分

右爲末加乳香沒藥又麝香少許雞子清調圍

文蛤散 治時毒

南星 一兩 大黃 五錢 朴硝 二錢五分 五倍子 二錢五分

右爲末醋調塗患處

拔毒膏

猪脂 石蜜 馬齒莧 燒存性

熬爲膏塗腫處

退毒散

鸚鵡鳥嘴 燒存性 水龍骨 煨

各等分爲末酒調塗立退如潰亦消

生肌散

象皮二錢 白蠟二錢 乳香一錢 赤石脂四錢

血竭二錢 龍骨二錢 沒藥一錢 白石脂二錢

冰片少許 輕粉二錢 土螫虫二錢 共為末摻之

長肉膏

防風 荆芥 白芷 生地黄

當歸各一兩

右剉以香油一筋煎至白芷枯色濾去渣再以文武火熬成膏漸下黃白蠟各一兩松香二兩滴水軟硬得中去火慢下沒藥赤石脂蜜陀僧血竭各

二錢以器盛之蓋地上愈久愈妙

竹筒吸膿方

取竹筒一截去青以白芷白芨蒺藜烏柏樹皮龍骨各等分八銚內以水煮二三十沸取竹筒拭乾乘熱套瘡口吸出膿水盡為妙

羚羊角散 治餘毒不解目障赤腫

羚羊角

黃芩

大黃

草決明

升麻

防風

芒硝

車前子

六味地黃丸

補腎虛腰足痛

熟地黃

八兩

山藥

四兩

茯苓

三兩

山茱萸

四兩

牡丹皮 三兩 澤瀉 三兩

右為末蜜丸如桐子大

梧

加附桂即八味丸補腎經之陽

加味地黃丸

一名八仙長壽丸

即六味地黃丸加麥門冬五味子

益陰地黃丸 治水不足而目不明

生地黃 二兩

茯苓 一兩

澤瀉 五錢

牡丹皮

山茱萸

當歸 各一兩

柴胡 五錢

熟地黃 二兩

五味子 三錢

山藥 一兩

菊花 五錢

右為末蜜丸如彈子大空心鹽湯化下

明目散

蟬蛻

黃連

骨皮

牡丹皮

白朮

蒼朮

菊花

各一兩

龍膽草

五錢

甜瓜子

半升

右為末每服一錢五分荆芥煎湯調下臨卧服

瀉青丸

治肝熱驚風搐搦目暴赤腫

羌活

大黃

當歸

龍膽草

防風

川芎

山梔仁

各等分

右為末蜜丸如雞豆大每服一九竹葉湯同沙糖

水化下

清胃湯 治痘後牙疳腫痛

升麻 當歸 黃連 牡丹皮

生地黃

清胃解毒湯 治痘後口齦生瘡腫痛

當歸 黃連 生地黃 天花粉

連翹 升麻 牡丹皮 赤芍藥

如火盛加石膏

犀角解毒湯 治丹腫

犀角 防風 生地黃 赤芍藥

甘草 連翹 牡丹皮 當歸尾

夏月加黃連

右為末蜜丸如彈子大燈心湯化下

人中白散 治痘後口瘡

人中白 煨一兩 枯礬 二錢 黃蘗末 五錢

黃連末 三錢 冰片 一分 蠶退紙 火煨三錢

右為末敷之

又方 治鷺口疳

用穀樹滋抹之立愈

葛槿散 治咽喉腫痛急慢喉風

牙皂 五錢 紫葛 一兩 白槿花 一兩 龜板灰 三錢

明礬 二錢
硼砂 二錢

右為末吹之

膽礬散 治喉癰喉風

雄鷲膽 二個
黃蘗末 五分
百草霜 五分

青魚膽 枯礬收 五個
刺毛窠 一兩燒存性 內有虫者

右為末吹之

馳源散 治咽喉腫痛

猪苳草
旱蓮草
雪裏青
水萍

右取汁再磨山豆根和服

消毒飲 治咽喉腫痛上膈熱盛

防風

元參

連翹

牛蒡子

荆芥

桔梗

知母

山梔仁

甘草

敗蒲散

止自汗

用故蒲扇燒灰每用三錢溫酒調下

粉撲法

黃連牡礪粉貝母各一兩粳米粉二升其為末

撲身上

瀉肝散

治痘後肝經蘊熱目赤

當歸

川芎

黃連

白蒺藜

防風 荆芥 芍藥 木賊草

甘草 菊花 燈心 蔓荆子

養榮湯 治痘後手足不能伸屈

當歸 川芎 續斷 生地黃

羌活 甘草 白芷 白芍藥

桂枝 防風 乳香

化癥解毒湯 治夾癥痘

當歸 防風 白芷 赤芍藥

連翹 荆芥 甘草 牛蒡子

丹皮

長肌散 治癰爛

黃連 黃柏 甘草 地骨皮

五倍子 各等分 其為末乾摻之

六味清涼飲 治血熱便秘

當歸 紅花 赤芍藥 生地黃

紫草 枳殼

蜜導法

用蜜蠟溶入水中做成棗樣扶煉蜜插入谷道中或加皂角末少許于蜜內亦妙

又方用醬瓜切如指大插入谷道中即通

三黃丸

黃芩

黃連各酒炒

大黃酒蒸

右為末薑汁糊丸黍米大每用一錢大小加減生薑湯送下

承氣湯

大黃

枳實

厚朴

山楂

加生薑三片水煎服

救焚散 治痘疔癰腫

益母草

棟樹花晒乾

地蜈蚣草

紫花地丁

連根晒

紫草茸

地青草

即火草

大血結草

扁蓄 晒

加味白虎湯

人參

知母

甘草

白石膏

大棗

麥門冬

天花粉

粘米

生薑

水煎服

白頭翁湯

治熱痢煩渴

白頭翁

黃連

黃柏

秦皮

水煎服

牛黃鎮驚丸

治驚風

天竺黃

四錢

雄黃

二錢

膽星

六錢

硃砂

三錢

犀角尖一錢麝香六分牛黃七分冰片一分五厘

代赭石 珍珠各一錢 鍊孕粉一分

右為末甘草鈎藤煎膏丸菉豆大金箔為衣薄荷

湯磨化下

金箔鎮心丸 治驚熱除煩

全蝎一箇用薄荷包火炙乾

天麻 羌活

赤茯苓 甘草 犀角

牛黃各一錢 麝香 硃砂各一錢

右為末蜜丸如芡實大金箔為衣黃白蠟封固薄

荷湯化下

抱龍丸

膽星 八錢
天竺黃 四錢
麝香 一錢
雄黃 三錢

硃砂 三錢

右為末甘草膏為丸如芡實大硃砂為衣薄荷湯化下

牛黃抱龍丸

膽星 八錢
雄黃 一錢
硃砂 一錢
僵蠶 一錢

人參 一錢
茯神 一錢
牛黃 三分
天竺黃 二錢

麝香 五分
天麻 三錢
鈎藤 五錢

如前丸服

辰砂丸 治驚風涎盛潮熱

硃砂 二錢 水銀砂 一錢 犀角 一錢 天竺黃 三錢

天麻 二錢 牛黃 一錢 水片 二分 麝香 五分

膽星 三錢 全蝎 一錢 殭蠶 二錢 麻黃 一錢

右為末薑汁和丸芡實大硃砂為衣薄荷湯下

天麻湯 治急驚痰搐

天麻 橘紅 南星 白茯苓

甘草 防風 木通 天花粉

薄荷 殭蠶 鈎藤 白附子

加生薑三片水煎服

醒脾散 治吐瀉後生慢脾風

人參 白朮 茯苓 甘草

橘紅 全蝎 半夏 木香

附子 南星 陳倉米 水煎服

肥兒丸

胡黃連 厚朴 肉豆蔻 麥芽

史君子 淨肉 山查 各五錢 川黃連 白朮

陳皮 各一兩 木香 二錢 檳榔 三錢 乾蝦蟇 一箇

右為末蜜丸如彈子大清米湯化下

蘆薈丸 治疳

痘疹傳心錄 卷十五

蘆薈

人參

白朮

茯苓

山藥

木香

陳皮

青皮

麥芽

神麩

當歸

檳榔

麝香

少許

各三錢

二箇

右為末猪胆打麵糊丸如麻子大或蜜丸如圓眼
大清米湯化下

健脾肥兒丸

小兒夏月服之

人參

白朮

茯苓

山藥

芡實

蓮肉

扁荳

山查

麥芽

神麩

黃連

連翹

澤瀉

各一兩

甘草

砂仁

各五錢

右為末煉蜜丸如圓眼大清米湯化下

又方

治小兒疳積

人參

茯苓

蓮肉

史君子肉

山藥

蝦蟇末

山查

各一兩

雞肝皮

燒存性

穀垂

各五錢

鍋巴

四兩

右為末白糖霜四兩和勻漸服

香砂丸

治小兒停食不化

三稜

蓬朮

香附

檳榔

青皮

各一兩

山查

麥芽

神麴

陳皮

各二兩

砂仁

木香

白豆蔻

各五錢

右爲末蜜丸如彈子大米湯化下

遇仙丹 治諸般積聚

黑丑頭末

四兩

大黃

三稜

蓬朮

牙皂

茵陳

枳殼

檳榔

各四兩

木香

一兩

右爲末用大皂莢打碎去子煎濃汁煮麵糊丸如

菴豆大每用一錢五分白湯下

保和丸 治飲食所傷胸腹飽脹

山查肉

一兩

半夏

六錢

茯苓

陳皮

萊菔子

連翹

麥芽

各二錢

右爲末另用神麩生薑汁糊丸如粟米大大小加減米湯送下砂仁湯亦可

木香檳榔丸

治食積

黑丑頭末

二兩

檳榔

二兩

木香

五錢

大黃

一兩半生半熟

右爲末照前法丸每服三錢淡薑湯送下

六味肥兒丸

治疳積

川黃連

白蕪荑

神麩

麥芽

厚朴

各一兩

木香

五錢

右爲末蜜丸如彈子大清米湯化下

實脾飲 治水腫

白朮

茯苓

陳皮

甘草

少用

蒼朮

厚朴

猪苓

澤瀉

木通

肉桂

山查

麥芽

喘加桑皮萊菔子頭面腫甚加防風白芷腿脚腫甚加漢防己心火盛加黃連

丑補散

治水腫脹滿痢積

牛肉

一筋切片先置於砂鍋內次下

三稜蓬朮

醋煮各二兩次下

吳茱萸

四兩湯泡次下

芫花

四兩醋煮數沸漉出又水浸一宿晒乾

用水煮牛肉無查爲度取出晒乾加水香兩黃連

一兩共爲末每用三分空心好酒調下五七服爲率

大人用五分

石干散 治臃脹

木香 一錢 甘遂 五分 石干 二錢 蛤蟆 一隻火通乾

右爲末每用三分好酒下

又方

石干 木香 黑丑 各等分

右爲末每用一錢薑湯下

胃風湯 治痢久

歸芍四君子湯加香連陳皮

治熱痢方 兼治火瀉

黃連 條芩 防風 芍藥

甘草 水煎服

調中湯 治痢裏急後重

當歸 芍藥 白朮 茯苓

木香 黃連 檳榔 枳殼

水煎服

五瘟丹 專治疫癘

黃芩 乙庚年爲君
黃連 戊癸年爲君

黃柏 丙辛年爲君
山梔 丁壬年爲君

人中黃 甲乙年爲君
香附 紫蘇葉

右爲君者倍之餘各等分生晒爲末用大黃倍煎成膏和藥爲丸彈子大雄黃硃砂爲衣金箔貼之陰乾每用一丸水浸化如陰症白湯下陽症井水化下

急救小兒臍風撮口

用槐樹皮如錢大置臍上外以麩條密圍四弦以艾火灸之啼聲一出愈

水銀膏方

擦治楊梅瘋毒潰爛危惡多年不愈者經驗神方

黃柏

黃連

川大黃

各一錢 五分 三味另研

雄黃

胆礬

青黛

兒茶

銅青

各三分

輕粉

枯礬

各四分

珍珠

一分半 生用另研

大楓子

去油取淨霜五分 分黑者勿用

冰片

一分半 另研

人言

人壯者七厘弱者五厘中者六厘

右十四味為極細末分作三分約一錢八分

番打麻

另為末若瘡重而人壯能食者每分

用五分人弱不起者每分用三分中者四分以

末入前藥各分內研勻

水銀 人健者每分用一兩或八九錢中者或五六錢卧牀不起而極弱者只可用三錢不可再多矣

右先將麻汞并前藥各一分俱入盞內再入真麻油少許用手指研開務使汞藥混爲一家漸次增油久研以不見汞星爲度大約如稀糊可矣

一擦法用此藥擦手足四腕動脈處每藥一分務分擦三日每日早晚各擦一次每次以六七百次爲度擦完用布包之擦藥時凡週身畧有破傷處

俱用無麝膏藥貼之膏藥須厚攤每二日一換換
時不可經風常須避帳幔中冬月須用厚被煖坑
他時亦須長煖南方多用被褥蓋墊可也擦至七
日毒必從齒縫中發出口臭吐涎若口齒破爛出
血但用甘草蜂房煎湯候冷漱解不可嚥下輕者
只以花椒湯嗽之亦可擦處必皮破不可畏疼而
少擦也忌塩十餘日多更好并魚腥生冷動氣發
風等物一箇月尤忌房事外如牛肉燒酒團魚之
類須忌二三年惟蕎麥麩羊肉則終身忌之

至聖保命丹

治胎驚內釣肚腹緊硬啼叫不安乃急驚風眼目
上視手足搖擗不省人事

全蝎

十四個
去毒

防風 二錢

炮南星

白附子

蟬脫

殭蠶

去絲
嘴炒

天麻

硃砂

各一錢

麝香

五分

金箔

右為末米糊和每兩作四十九丸每服一丸白湯化
下有熱者以南星易炮星

痘疹傳心錄卷十五終